

Panha-I

Uza pinsa ku Mon Pikinóti

Dédu y pinsa ta faze trabadju semelhanti. Es tudu dos ta djuda panha kuzas. Uza pinsa ta iziji txeu kontrolu y kordenason di mon y odju.

Atenson: Kes matirial ki sta sublinhadu bu ta atxá-s na bu kit. Kes matirial *en itáliku* bu pode tenê-s na kaza ô bu pode uza un kuza semelhanti.



Dikas di Feraméntas

Pinsa é un feraménta, y nau un brinkédu. El pode duê si el uzadu pa txuputi algen. El ka ta podu na odju, obidu nen naris. Lenbra kriansas pa ka kóre ku pinsa na mon. Nhos konversa sobri uza kel feraménta pa panha objétus, y nau irmons!

Kel Báziku

Djuda bu fidju prende uza un pinsa. Lenbreti é sénpri útil, mostra-l módi ki el ta:

- Mante dédu ô mon pa pega tudu dos ladu di kel feraménta.
- Abri y fitxa dédu ô mon pa abri y fitxa pinsa.

Kuzas pa Sprimenta ku Kriansas entri 2 y 3 Anu

- **Panha-I.** Pidi bu fidju pa djudá-bu ratxa un padás di papel en padasinhos di tamanhus diferenti. Nhos trabadja djuntu pa amasa alguns padás ti ki bira bóla. Dexe algun padás lizu pa un dizafiu más difísil. Insentiva bu fidju pa uza pinsa pa panha kada padás y bota-l déntu di un kópu di plástiku.
- **Di li pa la.** Organiza kes padás di papel amasadu y lizu otu bês. Adisiona alguns fiu (peluménus 30 sentímitru di konpriméntu), alguns palhinha di plástiku, y un pratu. Konvida bu fidju pa panha kes objéto ku pinsa y pô-s na pratu. Óra ki es tirmina, lansa tudu kuza y torna kumesa otu bês.
- **Ligason di kor.** Nhos trabadja djuntu pa korta padasinhos di papel. Pinta kada padás di papel pa konbina ku kor di pô di freskinha (popsicle sticks). Bota un monti di pô di freskinha na txon riba kunpanheru. Insentiva bu fidju pa panha kada pô di freskinha ku pinsa y po-l riba di kel papel ku mésmu kor.



Más!

Kuzas pa Sprimenta ku Kriansas entri 3 y 5 Anu

- **Alvu móvel.** Intxi un *tijéla grandi* ku un poku di águ (ô nhos tenta faze-l djuntu na óra di banhu). Pidi bu fidju pa poi alguns palhinha di plástiku déntu di águ. Konvida-l pa el uza pinsa pa panha kes palhinha flutuanti. Leba kel tijéla pa rua y djobe alguns *folha di arvi* pa flutua y panha. Pa tudu atividadi ku águ, bu debe supervizona bu fidju y svazia kel águ óra ki nhos tirmina.
- **Poi riba kunpacheru.** Organiza alguns papel amasadu, kópu di plástiku, pô di freskinha, y otus kuza. Konvida bu fidju pa panha kada un d'es ku pinsa y bá ta pô-s riba di kunpanheru. Ti ki altura el ta pode bai antis di se tóri kai?
- **Teia di aranha.** Poi *brinkedinhos* ô padás di papel amasadu nun *tijéla razu*. Sertifika ma pinsa ta alkansa fundu di tijéla fásilmenti. Rola un poku di fiu a vólta di tijéla, má dexa spasu pa pinsa pasa. (Bu pode kola kes fiu na ladu, pa ka mexe.) Insentiva bu fidju pa uza pinsa pa puxa kes matirial entri kes fiu sên mexe-s.



Kuzas pa Fla

“Kuazi dja bu konsigi! Torna tenta.”

Alguns kuza é más difísil di panha ku pinsa di ki otus. Kumesa ku un kuza lébi y vulumozu (sima un padás di papel amasadu), dipos sprimenta un kuza lizu. Insentiva bu fidju pa kontinua ta tenta. Y nhos trabadja djuntu pa rizolve probléma.

“Ka ta faze nada. Ka meste présa.”

Prende un abilidadi nóvu ta leba ténpu. Ka ten probléma si bu konsentra y bai divagar.

“Uau! Dja N odja ma bu sta sforsa pa panha-l.”

Kumemora sforsu. Ser pirsistenti y pratika txeu é un parti inportanti di aprendizaji.